

# Kata-kata Sakti Pilihan Daripada al-Qur'ān, al-Hadīth dan Hukama'

(Dikumpul, diterjemah dan disusun oleh: Abdul Aziz al-Murshidi)

## Al-Qur'ān

Wahai orang-orang yang beriman!  
Berimanlah (sungguh-sungguh) kepada Allah, kepada  
rasul-Nya dan kepada kitab (al-Quran) yang  
telah diturunkan kepada rasul-Nya dan kepada  
kitab yang Allah telah turunkan dahulu,  
kerana barang siapa yang tidak percaya  
kepada Allah, malaikat-Nya, rasul-Nya dan  
Hari Kiamat, maka sesungguhnya  
sesatlah ia sebagai kesesatan yang  
jauh.

(Sūrah al-Nisā': 136)

\* \* \*

Wahai orang-orang yang beriman!  
Janganlah kamu mengangkat bapa-bapa kamu  
dan saudara-saudara kamu menjadi  
pemimpin, jika mereka memilih kufur  
daripada iman. Barang siapa yang  
mengangkat mereka menjadi pemimpin,  
maka adalah mereka orang yang aniaya (zalim).

(Sūrah at-Tawbah: 23)

\* \* \*

Janganlah orang-orang Mukmin mengambil  
orang kafir menjadi pemimpin dengan  
meninggalkan orang-orang Mukmin. Siapa  
yang berbuat demikian tiada daripada agama  
Allah sesuatu jua pun. Kecuali  
jika kamu takut kepada mereka sebenar-benar  
takut. Allah mempertakuti kamu dengan  
dirinya (siksa-Nya) dan kepada Allah  
tempat kembali.

(Sūrah Ali 'Imrān: 28)

## Al-Hadīth

Tuhan tidak menurunkan sesuatu  
penyakit melainkan diturunkan baginya ubat.  
(al-Bukhari)

\* \* \*

Apabila kamu makan, maka  
makanlah dengan tangan kanan dan apabila kamu  
minum, maka minumlah dengan tangan  
kanan!  
(Muslim)

\* \* \*

Barang siapa yang telah dikurniakan  
Allah kepadanya sesuatu nikmat, maka Allah  
mengkehendaki untuk melihat kesan-kesan  
nikmat-Nya yang telah dikurniakan-Nya kepada  
hamba-hamba-Nya itu.

(Musnad Imam Ahmad)

\* \* \*

Tiga perkara (sifat) jika  
didapati pada diri seseorang Muslim,  
akan dimudahkan Allah kematiannya dan ia  
akan dimasukkan ke dalam syurga-Nya:

1. Mengasihani orang yang lemah tak berdaya.
2. Belas kasihan terhadap kedua ibu bapa.
3. Bermurah hati terhadap hamba sahaya.

(Al-Tirmidhi)

\* \* \*

Barang siapa yang membaca selawat  
ke atasku sekali selawat, maka Allah  
akan menselawatkan ke atasnya sepuluh  
selawat, diampunkan baginya sepuluh  
kesalahan (dosa) dan diangkat baginya  
sepuluh darjah ketinggian.

(Al-Nasā'ī)

## Hukama

Seseorang sufi (yang bersih  
jiwanya) ia tidak memiliki  
sesuatu apa dan tidak pula ia  
dimiliki.

(Abu al-Hassan Nuri)

\* \* \*

Barang siapa yang mengenal Tuhan yang  
sebenarnya, maka ia akan mengingkari  
tuhan-tuhan yang lain.

(Ja'afar as-Sādiq)

\* \* \*

Sebaik-baik pekerjaan itu ialah  
pekerjaan-pekerjaan yang dilakukan dengan tulus  
ikhlas.

(Malik Dinar)

### Makna ayat di muka kulit

Maha Suci Tuhan yang telah  
menjalankan hamba-Nya (Nabi Muhammad)  
pada waktu malam dari Masjidil  
Haram (Makkah al-Mukarramah)  
ke Masjid al-Aqsa (Baitul  
Maqdis) yang telah Kami berkati  
di sekelilingnya. Supaya Kami  
perlihatkan kepadanya ayat-ayat  
(tanda-tanda kebesaran) Kami.  
Bahawasanya Allah itu Mendengar dan  
Melihat.

(Banī Isrā'īl: 1)

### Peringatan:

Blok ayat yang menghiasi muka  
kulit Majalah Qalam bilangan ini kita  
salin dari muka kulit majalah  
al-Waie al-Islami